



食舊堂集書

二



五經異義駁義及鄭學四種敘

五經異義并駁義一卷補遺一卷箴膏肓起廢疾發墨
守各一卷鄭志三卷補遺一卷曩在史館校中祕書
所鈔存不知何時人集錄吾友王大令復及武故令億
互加考校注明所采原書又加增補雕板行世曾屬予
爲之序久而未成已而王武兩君相繼徂謝以板存予
所乃爲敘其梗概以報死友云漢儒經學授受有本其
傳出于七十子卽孔子微言大義之所存故其說可信
非好古之過也古人解經之例有三一曰守師說如三
家易今古文書禮三家詩三傳文字章句殊異以核漢
魏碑碣所引自相合符今人所詫爲異說如金滕周公

揃蚤及死後雷風之事毛詩子嗟子國爲父子之屬皆
本師說必非鄉壁虛造故馬融學無師授時論輕之魯
丕傳所云說經者傳先師之言非從己出徐防則云今
不依章句妄生穿鑿以遵師爲非義意說爲得理輕侮
道術浸以成俗若豫知宋明人之習而言之也一日以
經解經祭天有尸則引魯郊禮祀延帝尸之言感天而
尸則引詩天命元鳥之言讀鄭注中庸致知格物以格
爲來物爲事謂其知於善深則來善物其知於惡深則
來惡物初怪其言善惡之不類及讀樂記物至知知而
後善惡形焉知其說之不可易也一日以字解經盤庚
予亦燭謀以从火而云火光左傳皙齷以从齒而知非

冠幘非此三者漢儒不勝口說凡舉一隅可知各守家
法其經說存于今最可考證者則有白虎通及五經異
義諸書許何鄭彼此相非不害其說之各有依據 聚
珍板本近時流布漸少急宜刊以行世使古學不墜于
地此本既出武君手校詳核其文亦尙有遺漏原書所
未載如開元占經百廿引異義公羊說后夫人之家專權
擅世秉持國政蠶食百姓則蟲飛反墜當時開元占經
未布武君偶不及補若月令正義載鄭荅孫顯云星火
非謂心星也卯之三十度總爲大火其曰大火之次有
星者月令舉其月初尙書總舉一月故不同也此是鄭
以尙書月令昏中星雖異月而實不異足破恆星差度

之說後之信西法者不冝錄之武君亦遺之又通典十七
人引鄭小同又荅古來黃帝顓頊夏殷周魯六歷皆無
推日蝕法但有考課疏密而已云云亦足見今逆推先
秦三代日食之無所本其文亦至武君始附于後輯錄
之書不妨隨時增補也武君以名進士官博山令惠愛
及民值朝貴遣私人出外刺探陰事橫于邑中武君按
法擢辱之以此罷黜研窮經義搜討金石卒于家王君
官偃師令亦有循聲善爲詩旣死其孤將鬻此板以自
給子貧未能購存之聊附記兩君治行于簡端以告知
者云嘉慶五年閏四月孫星衍序

鄭志卷上

魏鄭小同撰

秀小王復輯

偃師武億校

冷剛問大畜六四童牛之牿元吉注巽爲木互體震震爲牛之足足在艮體之中艮爲手持木以就足是施牿又蒙初六注云木在足曰桎在手曰牿今大畜六四施牿于足不審桎牿手足定有別否答曰牛無手以前足當之案周禮大司寇疏引又內饗疏引此作牛在手曰牿牛無手以前足當之原案禮記月令正義冷剛問牛四足何以稱牿鄭答云牛無手前足施牿也周禮大司寇正義牛無手惟以足言之與此詞稍異而意並同

易歸妹以須注云須有才智之稱天文有須女屈原之

妹名女須○答冷剛云須才智之稱故屈原之妹以為

名

案詩小雅桑扈正義引原案詩桑扈君子樂胥鄭箋胥有才智之名孔穎達謂胥須古今字引易注及答

冷剛云云證之其文與此同女須離騷作女須王逸注云屈原姊與此有異○案說文須下注女字也楚詞女嬃之嬋媛楚人賈侍中說楚人謂姊為嬃水經注引袁山松曰屈原有賢姊聞原放逐亦來歸喻令自寬全鄉人冀其見從因名曰姊歸縣蓋並以女須作姊又周禮太宰疏引鄭氏易注亦作屈原姊

書贊云我先師棘下生安國亦好此學自世祖興後漢

衛賈馬二三君子之業則雅才好博既宣之矣○張逸

問贊云

案水經引作問書贊云

我先師棘下生何人

原案水經溜水注引此作

何時

答曰

案水經引作鄭玄答云

齊田氏時善學者所會處也齊

人號之棘下生無常人也

孫皓

本註一作題

問月令季夏火星中前受東方之體盡以

爲火星季夏中心也不知夏至中星名答曰日永星火
此謂大火也大火次名東方之次有壽星大火析木三
者大火爲中故尙書云舉中以言焉又每三十度有奇

非特一宿者也季夏中火猶謂指心大也

案詩豳風七月正義引作

吳志云云原案禮記月令正義載鄭答孫顥云星火非謂心星也卯之三十度總爲大火與此義同而詞異詩七月流星正義引吳志孫皓與鄭問答之詞悉與此同王應麟謂康成不與吳孫皓同時吳志亦無此語後人因孫皓名氏遂改鄭志爲吳志詳見困學紀聞足證宋本詩疏已訛由不知鄭志者妄改附識于此

趙商問曰禹貢導河至于大陸又北播爲九河然在大
陸以南固未播也在于兗州安得有九至于何時復得
合爲一然後從大陸以北復播爲九也答曰兗州以濟
河爲界河流分兗州界文白明矣復合爲一乃在下頭

子走南北何所求乎觀子所云似徒見今兗州之界不

及九河而青冀州分之故疑之耳既知今亦當知古

案詩

殷正義引趙商謂河在兗州之北已分爲九河分而復合於大陸之北又分爲九故問之曰云云悉與此同

張逸問殷爵三等公侯伯尚書有微子箕子何答曰

案王

制疏作鄭答云微子箕子實是畿內采地之爵非畿外治民之

君故云子也

案王制疏引

堯典注云始羲和之時主四岳者謂之四伯至其死分

岳事置八伯○張逸問云九州而八伯者何答曰畿內

之州不置伯有鄉遂之吏主之伯卽牧也

案禮記王制疏引

韋陶謨注云堯初制五服更五百里禹所弼每服五百

里故始有百里之封焉猶用要服之內爲九州州立十

二人爲諸侯師蓋百國一師則州十有二師則每

二百國也八州九千六百國其餘四百國在畿內

制疏

引○趙商問云以王制論之畿內之國有百里有七

十里有五十里今率以下等計之又有王城闕遂郊野

卿大夫之采地數不在中今就四百似頗不合各云三

代異物王制之法唐虞或不盡然堯舜之德守在四疆

鄉遂有無無以言也公卿大夫有舊祿者其四百國非

分地爲何王城之大郊關之處幾何而子責急也

案禮制疏引作趙商不達鄭旨而問鄭云云惟郊野疏作郊郭四百下疏多一里字答云疏作鄭答之云有舊祿者

田祿者

臯陶謨注云

案禮記王制疏引作故註尙書云

禹朝羣臣于會稽執玉

帛者萬國○張逸問云案王制疏引作是以張逸疑而問鄭按左傳禹會

諸侯于塗山執玉帛者萬國外傳云禹朝羣臣于會稽

防風氏後至不與注相應何答云欲明諸侯守土之祀

故兼用外傳內傳語案王制疏引與此同惟未多一者字

趙商問金滕曰若武王未終疾固當瘳信命之終雖請

不得自古以來何患不為答曰君父疾病方困忠臣孝

子不忍默爾視其歔歔歸其命于天中心惻然欲為之

請命周公達于此禮著在尙書若君父之病不為請命

豈忠孝之志也案書金滕正義引作鄭立弟子趙商問立曰云云與此同

顧命東房西房○答趙商曰成王崩之案禮記玉藻疏引無之字時

在西都文王遷豐案玉藻疏引有一鎬字作靈臺辟雍而已其餘

猶諸侯制度

案玉藻疏引有而字

引此

案詩集千丁義

喪禮設

少服之處寢者夾室與東西房也

案玉藻疏引作設衣服有夾有房也與此

異周公攝政致太平

案玉藻疏引無致太平三字

制禮作樂乃立明

堂于王城○答張逸云周公制禮建國土中

案玉藻疏引張逸疑

而致問鄭答云周公制于土中云云與此稍異

洛誥云王入太室裸是也願命

成王崩在

本註一作于案詩斯干正義禮上藻疏並作於

鎬京鎬京宮室因文

武更不改作故同諸侯之制有左右房

案詩斯干正義引鄭志答張逸

語禮玉藻疏引張逸疑而問鄭鄭答之云云並缺自鎬

京宮室至左右房二十一字惟作承先王宮室耳六字

又尚書顧命正義引鄭答張逸語自成王崩至此數語並合

宣王承亂

本註斯干詩箋卷一百塔西

南其

未必

案玉藻疏作又不能

如周公之制

原案書顧命正義引鄭志答張逸語詩斯

干正義兼引答趙商語與此詞句互異而意指竝同

洪範云鯀則殛死禹乃嗣興祭法鯀鄣鴻水而殛死注謂不能成其功也○答趙商云鯀非誅死鯀放居東裔至死不得反于朝禹乃其子也以有聖功故堯興之若以為殺人父用其子而舜禹何以忍乎而尚書云鯀則殛死禹乃嗣興者箕子見武王誅紂今與己言懼其意有慙德為說父不肖其罪之子賢則舉之以滿武王意也

按禮祭法正義引原按禮記祭法疏引此其罪下無之字

趙商問甘棠行露之詩美召伯之功

原案詩甘棠正義引此作張逸問

箋以為當文王與紂之時

原案鄭箋專指行露此誤明為兼說二詩詳詩譜正義

詩傳及樂記武王即位乃分周公左召公右為二伯又

王之時

按詩譜正義引無詩傳下二十四字原案詩至此二十四字原本誤作注文今據詩正義

正不審召公何得爲伯答曰甘棠之詩召伯自明誰云

文王與紂之時乎

按詩甘棠正義引鄭志張逸以行露箋云當文王與紂之時謂此甘棠之

詩亦文王時事故問之云云自詩傳以下悉與此同

張逸問何詩近于比賦興答曰比賦興吳札觀詩已不

歌也孔子錄詩已合風雅頌中難復摘別篇中義多與

按詩關雎序正義引原案此條與下二條並見詩關雎正義其以比賦興原來不分疏解此條大意最爲明曉

張逸問嘗聞一人作詩何謂答曰作詩者一人而已其

取義者一國之事變雅則譏王政得失閔風俗之衰所

憂者廣發于一人之本身

按詩關雎序正義引

張逸問王者之風王者當在雅在風何答曰文王以諸

侯而有王者之化述其本宜爲風

按詩關雎序正義引

張逸問麟趾義云關雎之化則天下無犯非禮雖衰世之公子皆信厚其信厚如麟趾之時箋云喻今公子亦信厚與禮相應有似于麟惟于此二者時關雎之化致信厚未致麟答曰衰世者謂當文王與紂之時而周之盛德關雎化行之時公子化之皆信厚與禮合古太平致麟之時不是過也

按詩麟趾序正義引原案詩麟趾正義引此作不能過也

張逸問行露召伯聽訟察民之意化耳何訟乎答曰實訟之辭也民被化久矣故能有訟

按詩行露序正義引

小星傳裍裍被也箋云裍牀帳也○張逸問此箋不知何以易傳又諸妾抱帳進御于君有常寢何其碎答曰今人名帳爲裍雖古無名被爲裍諸妾何必人抱一帳

施者因之如今漢抱帳也

按詩小星正義引

張逸問箋

本註何彼襍矣平王箋

云德能正天下之王然則不必

要文王也答曰德能平正天下則稱為平故以號文王

焉

按詩何彼襍矣正義引

張逸問騶虞傳曰白虎黑文又禮記曰樂官備何謂答

曰白虎黑文周史王會云備者取其一發五紕言多賢

也

案詩騶虞正義引

張逸問豕生三曰縱不知母豕也豚也答曰豚也過三

以往猶謂之縱自三以上更無名也

按詩騶虞正義引惟自三以上句作

以自三以上又爾雅釋獸疏引無自三以上及未八字

谷風涇以渭濁箋云此絕去所經見因取以自喻○張